



# Och wör doch bloß dä Kreeg am Eng

Et sin zwei Johr jetz em Auguß, un immer noch eß keine Schluß.  
Dä große Kreeg es noch am Gang, kei Minsch dä daach, et doht zu lang.

Natürlich sin mir Deutsche all un halde durch op jeden Fall.  
Doch jeder he - ich weiß - vun üch, dä denk dat selbe grad wie ich.  
Wat hät mer alles ahn de Gäng, och wör doch bloß dä Kreeg an Eng!

Sag häß do nit en Käaz för mich, su säht zum Franz der Heinrich;

ming Frau die kunnt doch, denk ens ahn, faß nirgends jet Petroleum han.

Ja säht d`r Franz, et eß d`r jet, mir sin als aach Tag ohne Fett!

O schöne Zeit, o selige Zeit, wat eß mer en Verlägenheit.

Drei Grosche koß en Höhnerei, och wör doch bloß dä Kreeg vorbei!

Su lang wie keine Schluß gemaht, je mie Zaldate bruch der Staat,

Ich schwer et en de Knoche han, uns Fraue kumme och noch dran.

Zwor göv dat, wer uns Fraue kennt, geweße e tapfer Regiment;

ich sin em Geis et Eng vum Leed, zum Schluß noch engetrocke weed wie Schwiegermutter bei dem Träng, och wör doch bloß dä Kreeg am Eng!



Uns Pähd sin nit mie su em Trapp wie fröh`r, der Hafer eß jetzt knapp.  
Der Sperling dies am meisten spürt, sing Mahlzeit eß jetzt reduziert.  
Vum Pähd gedeck d`r Fröhstöcksdesch weet immer knapper, denk  
die Mösch,  
ja daß man gönnt kein Körnchen mir, e Pähd kann schließlich nit  
doför,  
mer gitt statt Hafer im bloß Heu, och wör doch bloß dä Kreeg vorbei!

Ich ben bei manchem kölsche Jung geweß noch en Erinnerung,  
wer hät die Leeder nit gekannt?

*Däm Schmitz sing Frau eß durchgebrand,*

dä Walzer

*Schrumm en Fleg kapott,*

*Winands han`nen Has em Pott.*

O schöne Zeit, o selige Zeit, ich weiß, wenn kehrt zurück die Freud  
sind alle wir wieder mit dabei, och wör doch bloß dä Kreeg vorbei!